

# Pragtige filantroop

Glanspop raak betrokke by  
projek vir gratis onderrig in Afrika

## CHRISTIAAN CLOETE

**T**habo Mbeki  
het die Suid-  
Afrikaans  
gebore glansmeisie  
Nicola Breytenbach  
sover gekry om  
betrokke te raak by  
liefdadigheid in  
Afrika.

Dié beeldskone  
blondine, wat 'n  
wêreldberoemde  
supermodel is, het  
dit vandeeweek  
eksklusief uit New  
York aan *Sondag*-  
vertel.

Nicola bewys nou  
dat sy ook 'n  
bedrewe filantroop  
is.

Die glanspop is  
een van talle  
bekendes, soos die  
Amerikaanse  
kulkunstenaar David  
Blaine, die rapper LL  
Cool J en die  
wêreldbekende  
hip-hop-sakeman  
Russell Simmons,  
wat hul gewig agter  
die liefdadigheids-  
fonds Diamond  
Empowerment Fund  
(DEF) ingegooi het.

Dié organisasie  
help om universiteite  
in Afrika te bou.

Dit samel ook geld  
in vir opvoedkundige  
inisiatiewe vir arm  
Afrika-lande waar  
diamante 'n  
natuurlike hulpbron  
is.



**Thabo het Nicola  
Breytenbach by  
liefdadigheid betrek.**

FOTO: Christiaan Cloete



**Nicola Breytenbach en  
haar man, Ben Steiner.**

Nicola sê sy het  
Thabo Mbeki drie  
jaar gelde by 'n  
byeenkoms ontmoet  
waar hy haar gevra  
het om 'n positiewe  
bydrae tot die land  
te maak.

“Die woorde het  
my bygebly,” sê sy.

Hulle help reeds  
3 400 studente om  
gratis onderrig te  
word by die Cida  
City Campus in  
Johannesburg, wat  
hulle help stig het.

Daar is ook  
planne om die  
Cida-model na ander  
provinsies en ander  
Afrika-lande uit te  
brei.